

2. Aðalframkvæmdastjóri Sameinuðu þjóðanna skal senda staðfest afrit af bókun þessari til allra aðildarríkja samningsins og allra ríkja sem hafa undirritað samninginn.
2. The Secretary-General of the United Nations shall transmit certified copies of the present Protocol to all States Parties to the Convention and all States that have signed the Convention.

AUGLÝSING

um fríverslunarsamning milli EFTA-ríkjanna og Mexíkó.

Hinn 18. júlí 2001 var norska utanríkisráðuneytinu afhent fullgildingarskjal Íslands vegna samnings milli ríkja Fríverslunarsamtaka Evrópu og Mexíkó sem gerður var í Mexíkóborg 27. nóvember 2000. Samningurinn öðlast gildi 1. október 2001.

Samningurinn liggur frammi í utanríkisráðuneytinu þar sem unnt er að fá aðgang að honum. Þetta er hér með gert almenningi kunnugt.

Utanríkisráðuneytinu, 25. júlí 2001.

Halldór Ásgrímsson.

Sverrir Haukur Gunnlaugsson.

AUGLÝSING

um gerðir sem fela í sér breytingar á samningi sem ráð Evrópusambandsins og Ísland og Noregur gerðu með sér um þátttöku hinna síðarnefndu í framkvæmd, beitingu og þróun Schengen-gerðanna.

Hinn 23. júlí 2001 var ráði Evrópusambandsins tilkynnt um samþykki Íslands á eftirfarandi gerðum ráðs Evrópusambandsins frá 28. maí 2001 sem fela í sér breytingar á samningi sem ráð Evrópusambandsins og lýðveldið Ísland og konungsríkið Noregur gerðu með sér um þátttöku hinna síðarnefndu í framkvæmd, beitingu og þróun Schengen-gerðanna frá 18. maí 1999, sbr. auglýsingar í C-deild Stjórnartíðinda nr. 21 og 49/2000 þar sem samningurinn er birtur:

ákvörðun ráðsins um breytingu á V. og VI. hluta og 13. viðauka við Sameiginlegu fyrirmælin um vegabréfsáritanir til sendiráða og ræðisskrifstofa og á 6. viðauka a við Sameiginlegu handbókina að því er varðar vegabréfsáritanir til langrar dvalar sem gilda samhliða sem vegabréfsáritanir til stuttrar dvalar, reglugerð ráðsins um fjálsta för þeirra er hafa vegabréfsáritun til langrar dvalar, tilskipun ráðsins um gagnkvæma viðurkenningu á ákvörðunum um brottvísun borgara þriðju ríkja. Breytingarnar öðluðust gildi að því er Ísland varðar 23. júlí 2001.

Ákvörðunin er birt sem fylgiskjal 1 með auglýsingu þessari, reglugerðin sem fylgiskjal 2 og tilskipunin sem fylgiskjal 3.

Þetta er hér með gert almenningi kunnugt.

Utanríkisráðuneytinu, 25. júlí 2001.

Halldór Ásgrímsson.

Sverrir Haukur Gunnlaugsson.